

e

KU CICIKOANBADIEGU

BULICINA FASO

Taanma - Puginma - Teginma

GUFENEMA MASOAGINDO

BAALO KOANBALA TAANLI

JAGA DOAGIDIMA

(PP-G/TRANS N°009-2024)

Rimtalba Jean Emmanuel OUEDRAOGO

Li binli 2024, citaa dana 13 daali, Wagadugu pó

Baalo Koanbala Taanli den kali Wagadugu
nani ban maani ki tiedi maama dana lele kuli,

li binli 2024, o ηmaalo citaa dana 6, alaaliba daali,

ki cili leeri 9 yogunu ki ban gbeni leeri 14 leni miniti 16.

Kapitenni Ibrahim TRAORE, yua n tie ti Diema Yudanciamo

leni a Koanbala Taanli Liigiyua

n den gobidi laa taanli

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu bi
niba n gedi dietoama ti Diema yeli po.

I. A JAGA

I.1. YAA KOANBADIEGU N DIIDI BAALO SALIWUUDO LENI YAA TUONSOANBA N GAANI I DMAPANI YEMA DAMU.

A koanbala taa taanli taa **jaga taa**:

Li jagikpiali tuugi leni ban bogini yaa ñoamabonli ke li lebidi li ñoamabonli n°2019-1111/PRES/PM/MF, ban den taa yaali li binli 2019, piiga n ciyendo o dana 15 ke li coadi Baalo n pia yaa saliwuudi tuonbuoli yela ke li yi RIIMI (RIME).

Baalo koanbadiedi leni ti saliwuudi tuonbuoli yela coali mayuli ñani li ñoamabonli n°081/CNT, ban den taa yaali li binli 2015, piiga n cilie o dana 25, ke laa ñoamabonli maadi Baalo saliwuudo tuonsoanba maama. RIIMI yeni ñii tuona buolibuoli po ke a taani ki soagi aya a tuona sanbili nni, ki go taani ki pia tuona buolibuoli ñali ke laa tuona kuli taani ki pia ya banma sanbila n naani.

Ki tuugi leni mu tinmu maama n pia yaa paka moala, li binli 2019 ñoamabonli lebidima n lingi yaala tie ki baa mi tinfanma biigidaginma tuoncaga.

Laa tuona tie:

- Yaa niba n bigidi mi tinfanma tuonli.
- Yaa niba n bigidi mi tinfanma tuonli liiga yaaba
- Yaa niba n bigidi mi tinfanma canbaancianba.

Laa ñoamabonli taama baa todi ban kuani baalo tuonsoanbuoli yi n bigidi mi tinfanma Baalo koanbadiedi leni ti saliwuudi tuonbuoli yela coali nni.

Li jagilieli tie ke bi puni u sanu ban tieni mi biigima ki taa a logitociama ki bangi ba mi lidima tuona leni a biwaala lidima li binli 2025 nni.

A logitociama yaaba n lidi, ki pugini leni yaa logitociama n die a biwaala lidima, ba yaa buu a yiama line nni:

ti gbanandi naadisienma mi sanpoagilima danba po, ti puodi leni ti jadi paka buuma, ti madi paka leni a puotugipunba leni bi puomadiba buuma, ki nunyiega lidima leni ki buuma, i soajiini buuma, li benli yiani buuma, ki go puguni leni u tugu lidima .

Laa tuonsoanba puginma ba biini a logitociama leni ya logitociama n lidi a bila poadima bonli Bulicina Faso nni ki go pugini mi lidima ŋamu a yiama po.

Bi puni u sanu ban biigi ki taa logitociama piitaa (30), leni logitociama pilie 20 yaaba n baa yaa diidi a bila laafialo li binli 2024 nni. Bi go suagi ki pugini ki ba taa ya logitola n lidi bi niba bonbipiitaa (30) ki pugini leni yaaba n lidi a bila bonbipiilie (20) li binli 2025 nni.

Li jagitaali kani, bi puni u sanu ke mi biigima n bogini baalo tuonsoanba puginma po li binli 2024 nni.

Laa biigima tie baalo n bogini yaama ki ba biini ya tuonsoanba n poadi bonli ti koanbadiedi nni leni a tuonsoanjaana nni, ke li tuonli n fidi ki ya tuuni.

Bi taa li jagili ki baa biigi ki taa tuonsoanba 5364, li binli 2024 nni.

I.2. YAA KOANBADIEGU N DIIDI TI DIEMA LIGI LENI A TUONBOGINKAANA

A Koanbala Taanli taa **jaga taa**.

Li jagikpiali tie ki le ban baa tieni maama ki yaa diidi baalo tuonsoanjaana nni ti diema Bulicina Faso nni i ligi ya tagi li fuuli nani lan bili maama.

Mi lebidima kali i ligi ñanma fuuli kani ke li pia ya sanbili n taa ki fidi ki bandi i ligi ya ña ke li ŋua li fuuli ki tuugi leni ban den bili ligikubilo kuli n ba ñani maama.

Laa sanbili taama yegi leni li ŋandunli nni kuli lan bili maama leni ki soani ke li tiegi ki tuugi leni mi diidima i ligi ñanma fuuli, ki ñani ya sanbili n buugi ki todi mi lebidima n tieni i ligi ñanma fuuli nni.

Laa ñoamabonli taama ba todi ya tuonsoanba n tuuni ki diidi i ligi ñanma fuuli n fidi ki ya bigidi i ligi ñanma fuuli ti diema Bulicina Faso nni a tuonsoanjaana nni.

Li jagilieli kani ,bi dini niba taa li bali, yaaba n ki ye obaa kuli soangu nni, ke li tuugi leni mi fiidi-diidima tuona ya ligidiegu kani ke bi biliti i ligi ke yi tuuni a tuona (**CDI-BF**) ti diema Bulicina Faso nni.

Laa ñoamabonli baa todi laa ligidiegú CDI-BF kani niba taa n je a bala ti diema Bulicina Faso nni, ki tuugi leni mi balimaama n° 049-2023/ALT, ban den taa yaama li binli 2023, cipiiga dana 5 daali.

Li jagitaali kani bi dini niba nii (8) a bala CID-BF kani, ke bi ba yaa diidi yaa ligi ke bi biliti yin yaa tuuni li tuonli ti diema Bulicina Faso nni.

Laa balima-sanbili baa todi laa niniidiba n je a bala laa tuonsoandiegú kani ti diema Bulicina Faso nni nani mi balimaama n°049-2023/ALT 2023, ban den taa yaama cipiiga dana 5, ke li wangi ku tuona n ba yaa ñua maama ti diema Bulicina Faso nni.

I.3. YAA KOANBADIEGU N DIE TI BUUDI LENI O NISAALO N PIA YAA SANBILA TUONA

A Koanbala Taanli taa **jagalie** :

Li jagikpiali tuugi leni balimaama n°050-2015/CNT, ban den taa yaama li binli 2015, cinii o dana 25 daali, ke mi tuugi leni bi bujiaba tuona yaa lebidima.

Laa balimaama kua leni o Tibulo goadiidima ke mi den kali li binli 2023, piiga n cilie o dana 30 daali, yaala n tuugi leni bi bujiaba tuona.

Yaa lebidipanma n kali nne:

- ki tandi bi bujiaba biigitaama po baalo tuonsoanlo kuli yua n pia yaa banma tili ke bi yi li metiriisi bi masiteeri bi bujiaba cogu sanbili nni. Laa tila ba ya tie KAMESI (CAMES) n saa yaa yaapo i moamoani, ki da sundi ke li go yegi leni a bina leni li daano n soani ki pundi ya bina banlu;

- ki ñani a bujjala yaaba n baa bantoama bi kaani, li ya tie ke ban bili bipo yaa yogunu banlu pundi;

- ki bogini maama li ya tie ke bujjala yie i tundi kaa ñua li tuonli balimaama ban pegidi o;

- a bujiaciama yaaba n tugi li yuli ku bubuudieciangu kani bali n da pendu bina muu;

- a bujjala fuodicianma n tua ŋmaali lie, yaali n bi tie ŋmaali taa. Lani n go tie ke binmunli nni fuodima ji ba yaa tie dana 30 yaala n bi tie dana 45.

Laa guadiidima yegi leni yaa lebidima n den kali li binli 2023, piiga n cilie o dana 30, yaala n yegi leni a bujjala tuona.

A koanbala taanli bili ke bi baa soagini laa tili depiteenba po ban taa lan tua balimama.

Li jagilieli tuugi leni ban bogini yaa balimaama ke mi baa goa ki lebidi balimaama n° 049-2015/CNT, ban den taa yaama li binli 2015, cinii 25, ke li wangi a Bubuuda Taancianli (cagicianli).

Laa guadiidima yaama n den tieni li binli 2023, piiga n cilie o dana 30, ke li doagidi ke a Bubuuda Taancianli (cagicianli) n pegidi bi bujiaba tuona.

Yaa lebidipanma n kali tie:

- a Bubuuda Taancianli (cagicianli) nni boagidima kuli ba yaa tie yaaba n ki tie bujjala nani lan bili maama;

- a Bubuuda Taancianli (cagicianli) niba n baa gandi bi liiga yua;

- yaa nilo n ye a bujjala tuonsoanba caga nni (sendika, asosiasiyon), bi mo yua n gobidi pariti politiki kuli kan kua laa Bubuuda Taancianli (cagicianli) niba siiga;

- bi bujiaba koanbali baa fidi ki pa u sanu ban dini li bali yaa bujjala n ye parike nni.

Laa nunlepanma baa todi li bujjala tuona n yaa suagi liiga, a bujjala n ya ja ti buudi li nunga, ki go die bi yula.

A koanbala taanli tuo ke laa tili n suagi Depiteenba nintuali ban taa lin tua balimaama.

I.4. YAA KOANBADIEGU N DIE U KPENDU TUONA

A Koanbala Taanli tuo tuona tiwaankaali yaali n tuugi leni yaa koanbadiegu n die u kpendu yaa tuonacela li binli 2024 po.

Li tie yaa tuonacela n tie piiga n bona taa (13), ki baa todi ban soani nani lan bili maama li ñoamabonli n°2023-0966/PRES-TRANS/PM/MEFP, ban den taa yaali li binli 2023, cinii dana 9 daali, ke li tuugi leni ban baa tagini yaa sanbila ki teni a tuoncela yeni tuonli yaaba n baa soani.

A Koanbala Taanli puni u sanu ke ban soani laa tuoncela dunla binli 2024.

A tuoncela yeni dunga n fii maama nne ke li yegi leni yaaba n ñani i ligi:

1. Niyendo ñani o ligi ki kuani a tuona ke li fii : seefa ligi miliyaari piitaa n biyia, leni miliyon kobyia n piiluoba n bilie, leni piiluoba n tuda muu n piiluoba n kuumu taa leni a paada (k 39 962 065 065,8). Li baa todi tin fidi ki kubi ti diema Bulicina tiatagikaadi maalima.

2. Baalo Ligikpagu nni yaa ligi n ñani laa tuona po: seefa ligi miliyaari yendo, leni miliyon piiyia n binaa, leni tuda kobiga n piilie n tuda lie n kobiga n kuumu lie leni a paada (k 1 094 122 102,8) ke lan todi ban goa ki maa ki ñanbi nutuonsoanbanma diegu (SIAO), leni o IREBA-bonkpelo diegu.

3. SONABI tuonsoandiegu n teni yaa ligi tie: seefa ligi miliyaari piilele, leni miliyon kobilie n piinii n bonbimuu, leni tuda kobiga n piiluoba n tuda lele n piiluoba n kuumu yia leni a paada. Laa ligi tie ban baa taa yi ki maa ti diema Bulicina tuonsoandiegu yu n kubi ti lola leni ti pipiba kpama leni gaasi, lan tie SONABI kaanjigi-paanu, leni mi kpama kubima po ban baa maa yaa kaani Waga dapuoli, leni Po dogu nni, leni Bingo dogu nni , ki nan go tieni mi fiidi-diidima ki bandi SONABI n kubi mi kpama maama leni wan baadi ti tuonsoantiadi maama. Laa ligi go baa todi ban soani kpabuabuana lie tuona, leni SONABI guudima tuona leni tuontoana.

4. SOFITEKISI n ñani yaa ligi a tuona po tie: seefa ligi miliyaari bonbinaa, leni miliyon kobilele n piimuu n bonbiluoba, leni tuda kobiga n piiyia n tuda lele n kobyia n piilie (k 4 756 097 920). Laa ligi baa todi ban go ki lebidi SOFITEKISI lola.

I.5. 9) YAA KOANBADIEGU N DIIDI MI GAANILINDIMA, LENI MI ÑIMA LENI I YIANBONFUODI BOLINMA TUONA

A Koanbala Taanli taa li jagili ki baa cili yaa tuona n tie ki yaa bigidi, ki wangi ki nan go diidi ki faami u yoguntentema ti diema nni po.

Bulicina Faso puni o yuli mi findimoanma yaa niinni, lan cedi ke o moa leni u yoguntentema lebidima kelima o den tuo ki ñii ki baa yaa tuuni leni ñanduna kuli n den taani ki ñani yaa balimaama ke li tuugi leni u yoguntentema lebidima , ki pugini bi niba kuli n den taani ki tuo yaa balimaama Paari po ke li tie u yoguntentema po.

Laa balimaama leni yaa yaga lidi ma kuli bua key aa dogi n tuuni leni ma n yen bbbaa yogunu ki biigi ki bandi mi tuona n poa ki da naani u yoguntentema lebidima balimaama tienma po..

Laa jagili baa cedi ti diema n baa yaa balimaama n gobidi u yoguntentema tuona . Li baa todi di diema n kuani o ñoanianu laa tuona po, ki go teni tin yaa baadi i ligi li tuona po.

La jagili taama baa todi Bulicina Faso n baa u yoguntentema balimaama ki nan fidi ki yaa bigidi, ki wangi ki nan go diidi ki faami u yoguntentema ti diema nni.

II. I LAABAALITENKE

II.1 Yaa Koanbali n diidi baalo saliwuudo leni yaa tuonsoanba n gaani i nmapani tuona den puni a Koanbala Taanli yaa laabaali n tuugi leni Bulicina Faso diema n baa gedi yaa taancianli n baa taani Sinni leni Afiriki dogi ke li baa tua li binli 2024, citaa nmaalo o dana 12 ki gedi o dana 24 daali, Bejingi dogu nni, Sinni diema nni.

Laa taanli bongili tugi Afiriki dogi kuli cagicianli yuli po, yaali n diidi mi tuonbangima leni i dogi findima sanbila ke bi yi li KAFARADI , ki pugini Sinni dogu leni yaa cagili n yi SAMBI (SAMB).

Li taancianli yeni tuonli maayuli nne: **«bi baa tieni lede ke afiriki dogi yudanba tuona yaali n tuugi leni bi niba yienu leni i loagi kubima n yaa nua u sanu ?»**

Laa taanli n den lingi yaala tie ki todi Afiriki dogi yudanba, yaaba n taa leni yaaba n kaa taa KAFARADI cagili nni ban taa yaa jaga leni yaa sanbila n baa todi laa dogi loagi guudima leni bi niba yema n yaa mani.

II.2 Yaa koanbali n diidi ti diema ligi leni a tuonboginkaana tuona den waani a Koanbala Taanli ke Bulicina Faso diema den bogini li nandunli ligidiegu (EFEMI) taankpiali yali n tuugi leni li ligikubili tuonboginkaana li binli 2023 hali li binli 2027. Laa taanli den cili li binli 2024, cilie nmaalo 26 daali ki gedi citaa nmaalo o dana 7 daali, wagadugu dogu nni.

Laa taankpiali todi ke bi baani ki la ban den bili yaa sanbila li ligikubili tuona po yaa fidi ki nua u sanu nani li cagili jaga n den bili maama. Yaala n pugidi lienni tie ke bi baa diidi a tuona n sedi maama li binli 2023 piiga n cilie nmaalo juodima ki go noanli ki le yaa tuona n sieni li binli 2024 citaa nmaalo kuma ki yaa caa laa binli juodima.

Laa tuonboginkaana (2023-2027) tie yaali n baa todi Bulicina Faso diema n wadi o pana , ki todi u dogu findima, ki deli mi luoma.

Yaala n pugidi tie yaala n baa todi u dogu yudanba Bulcina Faso diema loagi leni mi piama nma, ki da cuani galima ligi bi ya ligi n tie a nibiada tuongunda po.

Laa sanbila tuugi leni ti diema Bulicina Faso n den taa yaa ñoanianu ki baa moandi ke u ligikpagu kubili n dagini leni ti dogu piama, maama ke yaa tuona n tugi yuli baa tuuni ke a tuona boginma ligiyuli poadima kuli ki ye. Laa cagili ligi fii Seefa ligi miliyari 187 ke li tie yaali ke Bulicina Faso diema leni EFEMI cagili ligi juogi ki dagini li binli 2023, ciyia ñmaalo, o dana 21 daali.

II.3 Yaa Koanbali n die laafia leni i kaani ñangu tuona den puni a Koanbala Taanli yaa laabaali n tuugi leni laafia tuona tiama ligipanpaani. Lani n tie yaa tuonbanma n tuuni leni ti junjundi I yiani buuma po, leni a cayaana buuma tuona baalo lotodiedi nni.

Ama laa tuona ligi n yabi yeni cedi ke Bulicina niba tianba naa fidi ki baadi laa buma kelima mi ligi luoma po.

Bulicina Faso diema yudaano nunlema tie ke u dogu maabiga kuli n fidi ki baa mi buuma o yianu po baalo lotodiedi nni.

Lan yaa po n teni ke Gufenema taa li jagili ki puni u sani ban wadi laa tuona liigi.

Yeni yaa po:

- bi wadi sikaneeri tuonli ligipani ki dagini moala tuda mu (k 5 000), ki sua kpiama li bi tie tuda piiga (k 10 000);
- IRM tuonli ligipani tie moala tuda nii (k 8 000), ki sua kpiama li bi tie tuda piilie (k 20 000);
- mi soama lebidima yaaba yaa cayaana n biidi po ki go pia ligipani Moala; ki sua kpiama li bi tie tuda kobiga (k 100 000);
- mi soama lebidima yaaba yaa cayaana n yiaji tie moala kobimuu (k500); ki sua kpiama li bi tie tudataa (k 3 000);

Laa ligipani baa cili li binli 2024, cinaa ñmaalo nni, baalo lotodiedi nni kuli Bulicina Faso diema nni.

III. BAN DINI YAABA A BALA

III.1. YAABA N BAA LI BALI TUONCELI PO

A. YAA KOANBADIEGU N DIIDI TI DIEMA TINBUONA, KOMINNINBA GOBIDIMA TUONA LENI LI GUUNLI

- Boukaré **OUEDRAOGO**, ke o lanba baalo tuonli nni tie **23 047 V**, o tie polisi komiseeri, bi dini o li bali wan tua a tuona banma goandikoa;
- Koffi Alexis **HIEN**, ke o lanba baalo tuonli nni tie **22 836 G**, o tie polisi komiseeri, bi dini o li bali wan tua a tuona banma goandikoa;
- Emile **KABRE**, ke o lanba baalo tuonli nni tie **24 576 X**, o tie polisi komiseeri, bi dini o li bali wan tua a tuona banma goandikoa;
- Bazambouè **BADO**, ke o lanba baalo tuonli nni tie **46 686 T**, o tie polisi komiseeri, bi dini o li bali wan tua a tuona banma goandikoa;
- Boudassida Roger **TARBAGDO**, ke o lanba baalo tuonli nni tie **46 752 X**, o tie polisi komiseeri, bi dini o li bali wan tua a tuona banma goandikoa.

B. YAA KOANBADIEGU N DIIDI TI DIEMA LIGI LENI A TUONBOGINKAANA

- Jeanne **DJIE/TOE**, ke o lanba baalo tuonli nni tie **29 778 W**, o tie a luba tuonli canbaa, bi dini o li bali ke wan tua a luba tuona banma goandikoa ;
- Fati **TAMINY/BAGAYOGO**, ke o lanba baalo tuonli nni tie **37 256 K**, o tie o tie a luba tuonli canbaa, bi dini o li bali ke wan tua Waga IV lubigaadiegu liigiyua;

- Moussa **SANO**, ke o lanba baalo tuonli nni tie **56 730 A**, o tie a luba tuonli canbaa, bi dini o li bali ke wan tua Waga VI lubigaadiegu liigiyua ;
- Pierre **ZIDA**, ke o lanba baalo tuonli nni tie **35 916 E**, o tie luba tuonli canbaa, bi dini o li bali ke wan tua Ouaga VIII lubigaadiegu liigiyua;
- Sanlé Patrice **SORI**, ke o lanba baalo tuonli nni tie **216 205 A**, o tie a luba tuonli canbaa, bi dini o li bali ke wan tua Bobo I lubigaadiegu liigiyua;
- Yacouba **BADO**, ke o lanba baalo tuonli nni tie **119 325 L**, o tie a luba tuonli canbaa, bi dini o li bali ke wan tua Kubiri depaatema lubigaadiegu liigiyua;
- Anastase **PACODE**, ke o lanba baalo tuonli nni tie **96 901 Z**, o tie a luba tuonli canbaa,, bi dini o li bali ke wan tua Tanghin-Dassouri lubigaadiegu liigiyua;
- Sana François **DEGTOUMDA**, ke o lanba baalo tuonli nni tie **245 161 T**, o tie a luba tuonli canbaa, bi dini o li bali ke wan tua Pabré depaatema lubigaadiegu liigiyua;
- Hamidou **MAIGA**, ke o lanba baalo tuonli nni tie **334 245 K**, o tie i ligi tuonboginlo tuonsoanciamo, bi dini o li bali ke wan tua ti diema koanbadiegu yu n die a bonwaala cogu leni ti maamaama cogu tiakubilo.

Yaa niba yaa yela n nua ne tie ban dini yaaba li bali ke bi die bi yula ki baa kua yaa cagili nni n baa yaa nua ki faami Bulicina Faso ligidiegu yu yaa kani ke bi biliti i ligi a tuona po n cuoni maama :

-Kounbelara Innocent **HIEN**, o tie i ligi tuona bando;

-Cheik **SAWADOGO**, o tie ligikubilo;

-Touswindé Justin **OUADEBA**, o tie tuona fiidi diido;

Yaa niba yaa yela n ŋua ne tie ban dini yaaba li bali ki baa kua yaa cagili nni n baa yaa ŋua ki faami Bulicina Faso ligidiegu yu yaa kani ke bi biliti i ligi a tuona po n cuoni maama :

ti diema yudanciamo badidiegu kani :

- Jean Abel **TRAORE**, ke o lanba baalo tuonli nni tie **333 983 R**, o tie a cogibiciama cogicanbaa;

Yaa koanbadiegu n diidi ti diema ligi leni a tuonboginkaana kani

- Edwige Marie Eveline **YAMEOGO**, ke o lanba baalo tuonli nni tie **56 710 D**, o tie a luba tuona canbaa
- Philippe **ZANE**, ke o lanba baalo tuonli nni tie **96 919 B**, o tie i ligi tuonboginlo gobidikoa;

Yaaba n kua li cagili nni kelima ban a tie yaaba po

- Raymond Bruno **BAMOUNI**, ke o lanba baalo tuonli nni tie **52 199 S** o tie baalo lubadiegu leni i ligibaanma Yudanciamo;
- Hyacinthe **TAMALGO**, ke o lanba baalo tuonli nni tie **59 896 G**, o tie I ŋmapanpaani danba fuodima tuonsoandiegu (**KARIFO**) yudanciamo;
- Nabonswindé Yacouba Herman **NACAMBO**, ke o lanba baalo tuonli nni o tie **130 484 P**, tua **SENESEESI** yudanciamo
- Monsieur Ibrahim **SABA**, ke o lanba baalo tuonli nni tie **32 99**, o tie Bulicina Positi yudanciamo

**C. YAA KOANBADIEGU N DIE LI LAAFIA LENI I KAANI DANGU
TUONA.**

- Kouesyandé Joseph **SOUBEIGA**, ke o lanba baalo tuonli nni tie **119
724 M**, ki tie logitoli ciamo, bi dini o li bali ke o tie li laafiali
leni i kaani ngangu tuonboginkaana ligiyuli 056 Yudanciamo ;

- Alice Marie Nadine **OUEDRAOGO**, ke o lanba baalo tuonli nni tie **273 051 T**, ki tie u ñoagu cogu bandiciamo , bi dini o li bali ke o tie u a lotodiena ñoagi tuona Yudaano cogu ;

- Edouard **COMPAORE**, ke o lanba baalo tuonli nni tie **41 834 S**, mi niyoma coali bando, bi dini o li bali ke o tie mi niyoma coadicagacaga leni li biigima.

- Aminata **NANA/BOUNDAONE**, ke o lanba baalo tuonli nni tie **58 195 L**, li laafiali tuona gobidikoa, bi dini o li bali ke o tie Manga lotodieciangu Yudaano;

D. YAA KOANBADIEGU N DIIDI A SANCENA LENI I DOGI NNI TUONA

- Mamadou **OUATTARA**, ke o lanba baalo tuonli nni tie **52 178 U**, o tie a luba tuona canbaa, bi dini o li bali ke o tie a diemaala leni i sani tuongbenga yudanciamo;

- Laure Flavie **BOUDA/ZOETGNANDE**, ke o lanba baalo tuonli nni tie **231 815 X**, ki tie li tanmaali bando, bi dini o li bali ke o tie mi tuonbanma Yudaano yaa tuonsoandieciangu n diidi li tanmaali banma tuona .

E. YAA KOANBADIEGU N DIE A BONWAALA COGU LENI TI MAAMAAMAAMA COGU LENI TI DIEMA MABUOLI FINDIMA TUONA

- Sidzabda Emmanuel **YAMEOGO**, ke o lanba baalo tuonli nni tie **84 859 Z**, ki tie lise leni I nii tuonbanma kolesi cogibila canbaa, bi dini o li bali ke o tie li koanbali todikoa li tuonli po.

- Ouédan Jean-Noel **TAGNABOU**, ke o lanba baalo tuonli nni tie **32 554 X**, o tie a bonwaala cogibila canbaanba gobidikoa, bi dini o ke o tie maamaamaama cogu bandima sanbila tuona yudaano;

-

Jean **BOUGMA**, ke o lanba baalo tuonli nni tie **111 115 S**, ki tie i ligi tuonboginlo gobidikoa, bi dini o li bali ke o tie li ligikubili yudaano;

- W. Agnès **SARAMBE**, ke o lanba baalo tuonli nni tie **38 375 D**, o tie a bonwaala cogibila canbaanba gobidikoa, bi dini o li bali ke o tie SP/PSDBS canbaa;

- Elie **SEIHON**, ke o lanba baalo tuonli nni tie **38 969 F**, o tie a bonwaala cogibila canbaanba gobidikoa, bi dini o li bali ke o tie Pia o bonla cogidiena Yudaano;

F. YAA KOANBADIEGU N DIIDI A SANCENA LENI I DOGI NNI TUONA

- Mwinmalo Conrad **SOME**, ke o lanba baalo tuonli nni tie **117 483 P**, o tie i nibuoli bando, bi dini o li bali ke o tie i dogi nni sancena tuona yudanciamo.

G. GUFENEMA LENI A KOANBALA TAANLI TIDIANCIAMO

- Kouakou Makoua **DA**, ke o lanba baalo tuonli nni tie **111 105 F**, o tie a luba tuona canbaa, bi dini o li bali ke o tie li ligikubili yudaano;

III.2. BAN DINI YAABA LI BALI TUONJAALI YELI PO

A Koanbala Taanli baa ban dini yaaba a bala ke bi tua Gobidikaaba yaa tuonjaana n nua ne nni :

- Yaa Cogidieciangu n cogindii a coala leni ti tuonsoantiadi kubili Wagadugu nni (ISLO) ke li tuugi leni a jakoanda leni a jakoandipkpela koanbadiegu ;
- Bulicina Cagicianli yaali diidi a masina kpama leni gaasi (SONABHY) leni Faso nannangu (MINOFA) ke li tuugi leni yaa koanbadiegu n diidi u kpendu tuona, a masinciama leni u nuu tuona findima.
- Gulima tuonjaali yaali n tuuni mi ñima tuona (AEG) leni yaa tuonjaali n biigida mi gaanilindima (ANEVE) ke li tuugi yaa koanbadiegu n diidi mi gaanilindima, leni mi ñima leni i yianbonfuodi bolinma tuona.

A Koanbala Taanli taa **li jagilieli** ki dini bi yudanba yaa tuonjaali n tie ne yuli po: lan tie ku Cogidieciangu yu n cogindii a coala leni ti tuonsoantiadi kubili Wagadugu nni (ISLO) leni Faso Nannangu (MINOFA) leni Gulima tuonjaali yaali n tuuni mi ñima tuona (AEG).

A. A JAKOANDA LENI A JAKOANDIPKPELA KOANBADIEGU KANI

A koanbala taanli taa **jaga lie**.

Li jagipkiali dini li bali yaa niba n hua ne, ke bi tie Baalo tonda, mi kpiana bina taa po ku Cogidieciangu yu n cogindii a coala leni ti tuonsoantiadi kubili Wagadugu nni gobidikaaba cagily nni.

Yaala n tuugi leni a jakoanda leni a jakoandipkpela koanbadiegu

- Yamba OUOBA, ke o tie minteeli gbengili, ki gaa Antoine Emmanuel KY kaanu.
- Bakiéné Aboubacar **HEMA** ke o tie minteeli gbengili, ki gaa Issa SAR RE kaanu.

Li jagilieli dini li bali Yamba OUOBA, minteli gbengili (cianli), ke wan tua a coala leni ti tuonsoantiadi kubili Cogidieciangu gobidikaaba cagigli liigiyua, mi kpiama bina taa po. O gaa Antoine Emmanuel KY kaanu.

**B. YAA KOANBADIEGU N DIIDI A MASINCIAMA, U
KPENDU, LENI U NUU TUONA FINDIMA.**

A koanbala tanli taa **jaga taa**.

Li jagipkiali tie Aïcha Hafçatou NABARE/TOURE, o lanba baalo tuonli nni tie **216 123 K**; o tie li tanmaali tuona bando, o tie Baalo n soani yua yaa koanbadiegu n diidi mi maama leni i sani tienma tuona, ke wan kua SONABI gobidikaaba cagili nni mi juodima, bina taa po.

Li jagilieli tie Habraham **SOMDA**, o lanba baalo tuonli nni tie **212 611 H**, o tie tundikoa mi pima sanbila nni; ke Baalo soani o yaa Koanbadiegu n diidi a masinciama, u kpendu leni u nuu tuona findima yeli po, ke wan kua Faso Nannangu MINOFA gobidikaaba cagili nni, mi cilima po bina taa nni; o gaa Sogh-Kélo SOME kaanu.

Li jagitaali kani, Habraham **SOMDA**, o lanba **212 611 H**, ke o tie tundikoa mi pima sanbila nni, dini li bali ki tie Faso Nannangu MINOFA gobidikaaba cagili Liigiyua mi cilima, bina taa. O gaa Sogh-Kélo SOME kaanu.

**C. YAA KOANBADIEGU N DIIDI MI GAANILINDIMA, LENI MI ÑIMA
LENI I YIANBONFUODI BOLINMA TUONA**

A koanbala tanli taa **jaga lie**.

Li kagikpiali kani, Evariste **ZONGO**, o lanba baalo tuonli nni tie **263 792 E**, ke o tie bandiciamo yaa tuona n ye a dobila nni; bi dini li bali ke o tie Gulima

tuonjaali yaali n tuuni mi ñima tuona (AEG) gobidikaaba cagili yudaano mi cilima bina taa po.

Li jagilieli dini li bali yaa niba n tie ne, ke bi tie Baalo tonda yaa tuonjaali n biigidi mi gaanilindima (ANEVE), mi cilima po, bi tuonli baa tua bina taa.

Yaala n tie yaa koanbadiegu n diidi mi gaanilindima, leni mi ñima leni i yianbonfuodi bolinma tuona po

- Jacques **BONKOUNGOU**, o lanba baalo tuonli nni tie **213 864 M**, ke o tie mi gaalinilindima tuona bando; o gaa K. Jean Marie SOURWEMA kaanu.

Yaala n tie yaa koanbadiegu n diidi bu kpaabu leni li yanwubili tuona po:

- Oumarou **OUEDRAOGO**, o lanba baalo tuonli nni tie **245 261 S**, ke o tie tundikoa mi diidibandima li bonla n cuoni maama nni; o gaa Adama TOURE kaanu.

www.sig.gov.bf